



UNIVERSITÄTS-  
BIBLIOTHEK  
PADERBORN

**Series Episcoporum Archiepiscoporum Et Electorum  
Moguntinorum, Trevirensium Et Coloniensium**

**Kolb, Gregor**

**Rottwilae, 1725**

**VD18 12054054**

CVII. Philippvs Christophorvs LXXXI. Arch. XXXVI. Elector.

---

[urn:nbn:de:hbz:466:1-64326](#)

que Friderico Palatino junguntur , & ad prælia victores provocant probè gnari , Lotharium domi consiliis & missis auxiliis pugnare ; unde & hujus ditionibus illatum bellum , & hostes , & amicos accivit Reipublicæ parùm sæpe proficuos . Curis igitur præsertim Martiis , & annis confectum corpus cùm trahe-ret annorum 75. jam Elector , animam exquisitis à tenera jam ætate virtutibus exornatam , mors à corpore separavit an. 1623. Sed. an. 24.

## CVII. PHILIPPVS CHRISTOPHORVS LXXXI. ARCH. XXXVI. ELECTOR.

**P**hilippus Christophorus è clara familia de Stötern prognatus , in Episcopum Spiræ jam antea electus , & Cameræ Imperialis Judex constitutus , in Archipræsulem & Electorem Trevirorum eligi est promeritus . Exornatus Pallio ab Urbano VIII. Pont. Abbatiam S. Maximini , Abbe ejusdem paullò antè defuncto , in commendam , uti dicunt , admisit , quæ res Cæsare , Rege Hispano , & ejusdem Monasterii Viris Religiosis vehementer repugnantibus , gravissimi dissidii & belli occasio fuit : lis namque post breve temporis intervallum Archi-Episcopum inter & Meternichios , item inter eundem Archipræsulem & cives ad tributa varia solvenda coactos orta , in partes maximè adversas dissecurit utrosque : Meternichios enim Canoniciplerique , & cives secuti , Hispana præsidia in urbem admisere , negato aditu confederato militi , quem Elector advocarat . Eodem tempore à tergo hostis gravior Gustavus Suecorum Rex adfuit , qui victo fugatoque prope Lipsiam Tillio per Francioniam venit , & Moguntiâ expugnatâ Confluentiæ , Coloniæ & aliis urbibus paria fata minitatus est . Christophorus igitur hostem metuens , Regem Galliæ auxilia rogavit , dum Metternichii cum sociis ad Cæsarem configurerunt . Præstò

S 3

ad-

adfuere Gallorum mixta Suecis auxilia, quibus concessa Philipopolis, & arx Ehrenbreitsteiniana, simûlque aperta Trevitorum urbs patuit venientibus. Tum vero subditi pro libitu tributa pendere jussi, una cum Canonicis & Viris Religiosis; eorundem aliqui anathematis sententiâ condemnati; Metternichii proscripti, & novi in Cathedralem ædem adscripti Canonici; Richelius Cardinalis Gallus Adjutor Archi-Episcopi constitutus est, facta hæc omnia reprobantibus Legato Pontificio, Cæsare & Viris per Germaniam Principibus: unde Cæsareae cohortes Philippopolim, ejectis Gallis improvisò occupant, Hispani vero Duce Embdano concubia nocte Treviros invadunt, Electorem captum in Belgium abripiunt, Metternichiis rerum potitis. Luxenburgum usque captivus fuit perductus; Luxenburgo Namurcum, inde Genevam transeundum fuit. Anno 1637. invitatus ad Comitia Ratisbonæ celebranda, ubi Donavverdam usque pervenit, Linzium sibi petendum esse intellexit, frustra cum Palatino adversus Ferdinandi III. Imperatoris electionem protestatus. Disponente Pontifice Viennam Austriæ Linzio perductus, Pontificio Nuntio custodiendus traditur. Anno demum 1645. per vincente Gallorum Rege Trevirensium Sedi restituitur eo pacto, ut nullam de hostibus vindictam sumeret. Verum eodem anno Turenii Galli copiis adjutus, Hispanos Treviris exigit; Wimarienses sibi juratos amicos in praesidio retinere satagit; Canonicos & ad D. Maximinum Viros Religiosos, Cæsare licet vetante persecutur; literas appellationis ergo ad Pontificem mittendas comburit, multa alia parum Pontifici, Cæsari & Imperio grata molitur suam in perniciem: urbe namque Canonicis favente, & ad redditum invitante, duo eorundem, nimirum Casparus de Petra, & Cratzius venerè cum addicto sibi milite, quo rursum conclusus Archipræsul Christophorus per arbitros pacis leges novas, & Adiutorem sibi alium dari permisit, spe de Cratzio assumendo concepta.

Ve-

Verum Suffragiis plurium electus Casparus de Petra, & Pontifici & Cæsari placuit. Annos deinde non nisi geminos inter mortales egit Elector an. 1652. post diuturnas morbi molestias extinctus annorum 87. senex, numerans à sui electione an. 29. Mortuo scriptum Epitaphium hoc: *Satis est, quiescat anima & cineres: sat multa fecit & passus est. Habeat quietem moriendo, quam vivendo habere non potuit.*

### CVIII. CAROLVS CASPARVS LXXXII. ARCH. XXXVII. ELECTOR.

**F**amiliae nobilissimæ de Leyen, seu Petra germanus Carolus Elector, permultos collegit fructus per annos diuturnæ pacis maximè frugiferos. Atdemum Gallorum Rege Ludovico XIV. & Coloniæ Electore foedera nectentibus, Cæsari & Imperii Principibus parùm amica, hanc ob rem urbs Trevirensium à Gallorum exercitu obsessa, expugnata, & ab expugnatoribus propugnaculis novis munita est, monasteris compluribus, inter quæ & S. Maximini nobilissimum fuit, solo æquatis. Anno dein 1675. à Carolo Lotharingio, & Wilhelmo Luneburgico Ducibus supremis vieti Galli, severas Deo vindici dedere poenas: Vignoroyus namque monasteriorum princeps vastator, dum facies subdere cœnobiorum ultimo paravit, à furioso equo in flumen præcipitatus interiit. Bovillerius inter Gallos supremus Treviris præfectus tormenti globo foedè laceratus, exspiravit; supremus Gallicani exercitus Dux Creuius captus majori vitæ, quam mortis dolore, vidit suorum vulnera & funera plurima, amissam victoriam, urbem Trevirensium cum Saraburgo suis reddi dominis, triumphante Cæsare. Hoc rerum eventu latus Elector Casparus, dum multa molitur, ut cuncta bello destructa restituat & instauret, tumulo illatus curas maximas in Successorem transculit an. 1676. Sed. an. an. 24.